

“Program SULAM - “Empowering Property Market Analysis Practices” Menghimpunkan Bakal Pemikir Industri Harta Tanah Bersama Ketua-Ketua Kampung Sekitar Batu Pahat

Disediakan oleh: Prof Madya Sr. Dr. Azlina Binti Md Yassin

BATU PAHAT, 11 JUN 2025 – Seramai 100 pelajar kursus Analisa Pasaran Harta Tanah (BPE 34103), Program Sarjana Muda Pengurusan Harta Tanah bersama 50 orang Ketua Kampung sekitar Batu Pahat telah berjaya menghadiri program pemerkasaan ilmu melalui pendekatan SULAM (*SERVICE LEARNING MALAYSIA, UNIVERSITY for SOCIETY*). Program yang membawa konsep “Empowering Property Market Analysis Practices” telah diadakan di Bilik Lestari 1, 2 dan Big Stage, Perpustakaan Tunku Tun Aminah (PTTA), Universiti Tun Hussein Onn Malaysia (UTHM). Program selama satu hari anjuran Jabatan Pengurusan Harta Tanah, Fakulti Pengurusan Teknologi Dan Perniagaan (FPTP), UTHM ini berlangsung bersempena “Real Estate Week 7.0”, dan turut diserikan lagi dengan kehadiran Ketua Pengarah Penilaian Malaysia, YBrs Sr. Abdul Razak Bin Yusak yang juga merupakan Profesor Adjung bagi Program Sarjana Muda Pengurusan Harta Tanah, FPTP, beberapa panel industri dan barisan pengurusan FPTP sebagai tetamu jemputan. Program yang julung kali dianjurkan ini telah dirasmikan oleh YBhg. Ketua Jabatan, Jabatan Pengurusan Harta Tanah, Fakulti Pengurusan Teknologi Dan perniagaan (FPTP), Gs. Dr. Edie Ezwan Bin Mohd Safian.



Gambar 1: Perasmian program SULAM “ “Empowering Property Market Analysis Practices”

Penganjuran program “Empowering Property Market Analysis Practices” adalah diinspirasi oleh objektif SULAM untuk mengoptimumkan pengalaman serta Pembelajaran dan Pengajaran (PdP) melalui khidmat kepada komuniti dengan mengaplikasikan ilmu yang dipelajari dalam situasi masalah sebenar. Program yang membawa objektif utama untuk memberikan pendedahan yang komprehensif kepada masyarakat berkaitan amalan analisa pasaran harta tanah ini turut disertai oleh barisan pensyarah Jabatan Pengurusan Harta Tanah yang secara tidak langsung menjadi fasilitator kepada pelajar bagi menjayakan program ini.



Gambar 2 : Program pemindahan ilmu “Empowering Property Market Analysis Practices”

Pengarah Program, Prof Madya Sr. Dr. Azlina Binti Md Yassin berkata, program SULAM “Empowering Property Market Analysis Practices” adalah inisiatif awal yang boleh membawa nilai tambah yang penting melalui pemindahan dan perkongsian ilmu kepada komuniti, bagi memastikan limpahan manfaat tidak hanya dinikmati oleh warga UTHM, malahan kepada komuniti sekitar daerah Batu Pahat. Dengan pengetahuan dan kemahiran yang telah diberikan, diharapkan peserta-peserta yang terlibat dapat mengadaptasi praktis sebenar analisa pasaran

harta tanah, serta mampu menjana pendapatan yang lebih tinggi dan memperkukuh ekonomi Masyarakat pada masa akan datang.



Gambar 3 - Peserta Bersama Sijil Penyertaan

[#fptputhm](#)

[#uthmjohor](#)

[#UTHMproducesprofessionals](#)

[#GTU2030](#)